

續山東考古錄

續山東考古錄卷之二十

滄州葉圭綬子佩甫述

沂州府上

蘭山縣

周邠國後入魯爲啟陽邑又邠國後亦入魯又魯中邱邑祝邱

邑向邑次室邑

一作漆室

後入楚爲蘭陵邑又醜邑

春秋昭公十八年邾人入邠杜注今琅邪開陽縣又哀公三

年城啟陽注同

今縣治正邠國地

又僖公十四年季姬與邠子遇於防杜注今琅邪繒縣

中邱邑故城在東北五十里又名諸葛城又名王僧辨城今

續山東考古錄

卷之二十

蘭山縣

一 鳴角尖廬

葛溝鎮

地與沂水分界  
沂水志亦載之

春秋隱公七年城中邱杜注琅邪臨

沂縣東北水經注沂水

自陽都東

南逕中邱城西又南逕臨沂縣

故城東葛溝鎮在沂水東臨沂故城東北正其地齊乘云王

僧辨城土人目爲諸葛城元和志王僧辨城在臨沂東北五

十里

唐縣  
今治

府志諸葛城卽中邱城最當三名實一城耳府志

別見王僧辨城不合

春秋桓公五年城祝邱按卽漢卽邱縣

向邑故城在西南一百二十里今向城鎮春秋地名向者凡

三一文公十一年會吳於向杜注在潁川長社縣東北蓋鄭

邑與今山東無涉一桓公十五年冬城向此內城書法而向

國已入於莒此向自爲魯邑今縣西南向城鎮是一隱公二  
年莒入向宣公四年公及齊侯平莒及邾莒人不肯公伐莒  
取向此爲向國後爲莒邑通典莒縣下云漢向縣故城在今  
縣南寰宇記莒縣南七十里有春秋時向邑故城今莒州南  
向城是乃杜預於莒入向以爲譙國龍亢縣東南之向城據  
漢志沛郡向縣下故國春秋曰莒人入向之文也於宣四年  
取向則又以爲東海承縣東南之向城卽縣之向城鎮也而疑其遠  
夫龍亢今安徽之懷遠縣顧反不遠耶蓋杜預不知莒國南  
別有向城耳杜佑知之而以爲漢向縣則甚繆樂史以爲邑  
而不知爲國齊乘以此向城爲向國而又引寰宇記向城在

莒縣南之文且云蓋今沂州之向城鎮則將兩向城混爲一  
左傳補正疑龍亢爲遠以于氏說近是不知杜預已有此說  
前錄亦從于氏說以爲只一向先爲國後并於莒而或屬魯  
抑知莒州南縣之西南明明有兩向城乎

齊乘此條沂州誤  
作沂水考證辨之

亦不知有  
兩向城

今據通典寰宇記以在莒州南者爲國爲莒邑據

桓十五年經文以在縣西南者爲魯邑較允若漢縣自當以  
在懷遠者爲是此城所近皆東海郡屬斷非沛郡向縣莒南  
向城更無庸辨

琴操魯漆室女倚柱悲吟而嘯漢志蘭陵孟康注次室亭魯  
伯是

三字似  
有脫誤

後漢志蘭陵有次室亭劉昭注地道記曰故魯

次室邑列女傳有漆室之女或作次室 史記孟子荀卿列傳荀卿適楚爲蘭陵令

春秋莊公九年公及齊大夫盟於訛杜注繒縣北有訛亭在

縣或在嶧縣或在費縣皆無確據姑係此備考公羊傳訛字作暨路史云沂之承有西境皆承地近志訛邑仍係嶧縣但今繒城之北實無嶧地也

後漢志臨沂下劉昭注隱六年盟於艾誤引杜注詳蒙陰齊乘

引不誤而仍謂艾在沂州西三十里艾山下何耶又原注有

叢亭劉昭注博物記曰縣東界次睢有太叢社民謂之食人

社卽次睢之社按春秋僖公十七年宋公使邾文公用鄆子

於次睢之社欲以屬東夷杜注睢水受汴逕陳留譙城彭城

縣入泗此水次有祆

阿麟切

神東夷皆社祀之臨沂固近繚然

非唯水所逕疑有誤

齊乘鍾離城沂州西南百餘里路史云鍾離徐之別封今沂之鍾離城乃晉吳會處其後徙九江吳滅之郡國志謂此城楚將鍾離昧所築按春秋成公十五年會吳於鍾離杜注楚邑淮南縣漢志九江郡鍾離應劭注鍾離子國晉志屬淮南安得在沂州西南耶又考元和志海州朐山縣有鍾離昧故

城在縣南百里項羽將鍾離昧所築昧卽此縣人按朐山縣

西北百四十步卽宋泰始五年僑置之琅邪郡城

寰宇記作廢沂州城

考周改北徐州爲沂州宋無此州各隋志朐山縣舊曰朐置琅邪郡後周改郡縣皆曰朐山樂氏因隋唐宋之沂州亦稱

項邪郡遂誤加於彼是鍾離昧所築城在僑琅邪郡之南百里後人誤指實土至以爲吳晉會處又杜撰徒九江之說愈繆矣

春秋隱公十年會齊鄭於中邱癸丑盟於鄧縣西南八十里有鄧王城疑其地

漢徐州東海郡開陽縣臨沂縣蘭陵縣利成縣繒縣戚縣卽邱縣

北境當有陽都縣地西南當有襄賁縣地

開陽縣故城在北十五里通典臨沂有開陽縣故城襄賁縣故城在今縣南按末句承襄賁城來開陽城不在唐縣南也臨沂縣故城在北五十里今臨沂社

蘭陵縣故城在西南百六十里今蘭陵集

利成縣故城在東一百里又名監官城寰宇記海州懷仁縣利成故城在西六十里今在縣與郟城江南贛榆接界處

繒縣故城在西南百一十里

俗讀繒如層曰層城

戚縣故城當在縣西括地志臨沂縣有戚縣故城按晉分戚屬蘭陵郡則在縣西矣疑卽縣西南四十里之舜歌城戚縣音訛爲七弦俗又附會於舜歌耳

或曰舜五弦則此疑非余曰此等附會不須泥此

卽邱縣故城在東南五十里俗曰禹王城齊乘以爲新城誤府志琅邪魏其縣在縣境未詳所據通志同

後漢徐州琅邪國治開陽縣永平五年

自莒縣

徙國來治又臨沂

縣卽邱縣繒縣東海郡蘭陵縣戚縣利成縣建安三年於利成

縣置利成郡十一年成縣屬琅邪魏琅邪爲郡

晉書解系傳安脩魏琅邪太守

廢利成郡晉琅邪復爲國元康元年蘭陵成二縣屬蘭陵郡

詳下

江左別僑置琅邪國

南燕慕容德幽州治發干戊

後漢書光武紀章懷注城陽國故城在今沂州臨沂縣南按在臨沂南者卽開陽蓋因後漢城陽并入琅邪而誤唐臨沂

縣卽今府治開陽故城在漢臨沂縣南不在唐縣南

補三國志黃初六年

通鑑在五年

利成郡兵蔡方等以郡反殺太

守徐質此後不復再見疑因方等反郡遂廢也姑從之

寰宇記利

成縣後魏獻帝曾於此立郡後魏當作後漢圖經云晉利成仍爲縣似魏世終有此郡矣

晉書元帝紀永昌元年琅邪太守孫默叛降於石勒是東晉

已改國爲郡補東晉志引此而仍稱國似不合其補十六國志後趙稱國前燕稱郡前秦據前秦錄苻堅以徐擘爲琅邪太守稱郡後燕南燕又稱國尤不合通典宋改爲郡亦未核元和志晉元帝於琅邪郡城置發干戍以南軍鎮之然則卽開陽城矣齊乘稱沂州東北有小營城晉發干戍營似誤

補十六國志南燕幽州下晉志德以幽州刺史鎮發干按德蓋仍晉幽州舊名置此發干卽元帝所置發干戍晉志陽平郡有發干縣諸地志以爲德幽州治所今考德雖置五州皆不出青徐二州境且晉本於徐土置幽州德蓋又仍晉之舊

晉志江北又僑立幽冀青并四州義熙時又設按此說最當以幽冀合徐州今未詳治所故於東晉不書

晉書荀崧傳慕容儼將王騰等寇琅邪鄆城荀羨自下邳討之紀要稱東晉僑立鄆城縣於沂州東北無據或鄆城之訛劉宋徐州琅邪郡治卽邱縣

後魏北徐州治琅邪郡治卽邱縣永安二年置州州治卽今縣治又徐州蘭陵郡蘭陵縣

高齊北徐州治琅邪郡卽邱縣

寰宇記沂州理城後魏北徐州城也

後魏卽邱縣故城在西二十里魏志卽邱有卽邱城又有繒城臨沂城

後魏亦有臨沂縣今未詳治所

蓋得漢之三四縣地西境甚大故

移治於此齊乘以爲厚邱城考水經注流水逕厚邱在卽邱

之後

此城在漢即邱西北

寰宇記厚邱城在沈陽縣北四十六里以此

當之可乎

隋志卽邱帶郡考宋魏郡領卽邱費二縣卽治

卽邱無疑疑宋卽邱已徙此

南北朝輿地表劉宋瑕邪治費縣第以宋志首費縣耳不可從

宇文周沂州治琅邪郡治卽邱縣武帝改北徐州曰沂州

隋

沂州琅邪郡

治臨沂縣開皇十六年分卽邱復置臨沂縣又置卽

城縣屬卽州大業二年省卽城入蘭陵省卽邱入臨沂來屬又

徐州

彭城郡蘭陵縣地

開皇十六年

至

大業元年臨沂故城在縣東北三十六里又

名卽城大業二年移入郡城

卽沂州城大業時稱郡

寰宇記臨沂縣高

齊省開皇復置於今縣東北三十六里

今本作二十六里其卽城條作此數通志

作四十里故郟城又云卽邱後齊廢考隋志臨沂舊曰卽邱開皇

十六年分置臨沂大業初併卽邱入焉是齊未廢卽邱也齊廢之臨沂亦與漢治無涉記又謂郟城爲魯叔孫氏邑考郟城在今東平州水經注有明據左傳定公十年侯犯以郟叛駟赤先奔宿宿城在郟城北甚近足證酈注之不誤此非叔孫之郟明矣齊乘反是此而非彼何耶

隋郟城縣卽漢縣城

唐河南道

沂州琅邪郡

治臨沂縣及承縣地武德四年析置蘭山臨

沭昌樂三縣復置郟城縣屬郟州又析朐山置利成縣屬海州六年省蘭山臨沭昌樂入臨沂八年省利成入懷仁貞觀元年

省郢城入承五代因之

蘭山縣故城在南八十里今新城

友人蘭山密雲路云縣南入十里沂水西流水東有

古城址隔武水有蘭山舊志稱蘭山縣故城在今縣南八十里正指此城土人名曰新城而齊乘所謂新城今名禹王城考水經注流水逕卽邱縣沂水不云逕卽邱則新城爲唐蘭山縣城卽邱城卽禹王城矣

臨沭縣治今不可考縣東有臨沭鄉

昌樂縣治當在縣南縣南四十里有昌樂社

州志作常樂

舊唐志沂州漢東海郡之琅邪縣按漢琅邪縣屬琅邪郡在今諸城並非唐之臨沂其臨沂下云後魏置郯郡又改爲北徐州並在此縣按後魏郯郡治郯縣北徐州城卽今縣城並非郯郡改葢唐元和以後郯縣亦并入臨沂而後魏郯郡又

有別置之臨沂縣遂致此繆

宋京東東路

沂州琅琊郡

防禦治臨沂縣及承縣地

金山東東路沂州防禦治臨沂縣

金蘭陵西境入臨沂見齊乘

元都省山東益都路沂州治臨沂縣

明山東布政司兗州府沂州洪武元年廢臨沂縣其地直隸於州屬濟寧府五年屬濟南府七年屬青州府十八年屬

明志沂州元屬益都路後省州治臨沂縣入州洪武元年屬濟寧府似臨沂元末廢而元志不載今姑從州志

國朝山東布政司沂州府治蘭山縣初因明舊雍正二年直隸布政司十二年升沂州爲府並復置蘭山縣爲府治

沂州志

康熙十三年修知州邵士置縣後尙無縣志

沿革

並屬縣在內

周封五國三

曰費按費之爲國無確據

詳費縣

又邑凡八五曰新城八曰

郟按郟邑沿寰宇記之誤以新城爲鄭新城邑繆甚漢

改琅邪郡爲東海郡置縣凡十有三按漢琅邪東海兩郡

並置東海領縣三十八非十三如以州境言又不當及承

與昌慮東漢分東海置琅邪國繆南宋置南琅邪郡

與州無涉隋屬河南道繆古蹟古城皆無方向里數

### 郟城縣

周郟國後入越又入楚又魯襄黃邑

邑

春秋宣公四年平莒及郟竹書紀年晉烈公四年於粵伐郟

以鄒子鵠歸按卽漢鄒縣 又定公三年仲孫何忌及邾子

盟於拔杜注以爲地闕左傳冬盟於鄒修邾好也杜又云邾

卽拔也按經傳合觀拔當係邾地疑亦在縣境

公羊作枝

魯連子陸子謂齊湣王曰魯費之衆臣甲舍於襄賁卽漢縣

漢徐州東海郡治邾縣漢初名邾郡後改東海屬楚國景帝二

年屬朝廷

楚元王傳王戊爲薄太后服私姦削東海郡

又襄賁縣又利成縣地

詳蘭山邾

城有利成社志作和成筆誤

邾縣故城在城北有遺址

縣志圖北門外有邾子東城邾子西城實一城耳

縣府志

並稱今城北古城爲古邾國秦漢邾縣城考水經注沂水過

襄賁縣東屈從縣西南流又屈南過邾縣西元和志下邳縣

故邾城在縣東北百五十里寰宇記同又稱在沂沭二水之間周十餘里其懷仁縣引太康志云祝其城在邾東九十里齊乘邾城在沂州東南百二十里縣北古城西南至舊邳州東至祝其故城

在江南賴榆西南懷仁故城南四十里

西北至府里數既符又

在沂東沭西稱名未改卽古邾城無疑紀要稱在邳州東北八十里蓋泥於元和志寰宇記係下邳而云然不知元和初邾故城本屬下邳後又隸臨沂寰宇記仍係下邳本不合不然元初邾未復縣于氏云云指何城耶乾隆志稱在縣西臆度無確據 漢書高紀六年以碭郡辟郡邾郡三十六縣立弟文信君交爲楚王知漢初仍名邾郡地志以爲高帝置東

海郡改名當在六年後矣楚元王傳作薛郡東海彭城三十  
六縣周勃傳項籍死東定楚地泗水東海郡或史追稱之

襄賁縣故城在西少北六十里今長城店通典襄賁故城在  
臨沂南沂州志襄賁城今長城蓋襄字形近長音復相似因

訛作長耳然此城今在縣境非蘭山地唐屬臨沂齊乘稱襄賁城

與鍾離城相對俗曰鑿城按于氏所謂鍾離城實在今海州

宋泰始五年於今安東縣北三十里東海王城置襄賁縣其

城又名金城唐會於彼置金城縣見寰宇記連水及下邳縣下鍾離城正

與相對則此襄賁乃劉宋縣非漢縣鑿字蓋金字傳寫之訛

似與其上文之字誤合爲一字今蘭山西南七十里有柞城見雜考通志臆揣

卽鑿城府志旣以長城爲襄賁又以爲柞城是皆未明于氏之誤耳

後漢徐州治東海郡治郟縣

後漢志郟訛剡

及襄賁縣又利成縣地建

安十一年郟襄賁益琅邪

未詳何時復故

魏太和六年東海爲國晉泰

始中爲郡

城陽王子祗封東海王卒無後

惠帝時復爲國

高密王子越封此

宋省郟縣

後漢廢太子疆封東海王魏志郟郡漢高改東海後漢爲國

晉復而後漢志東海稱郡或以東海王都魯縣故也然後漢

有魯相又有東海相則東海不得稱郡補三國志稱魏黃初

中作國亦未核 三國魏紀建安十一年割東海之襄賁郟

成以益琅邪按東海治郟改屬未詳郡治何所晉郟襄賁

仍屬東海魏代二縣未詳何屬補志屬東海未敢從

劉宋志東海太守下明帝失淮北僑立青州於顛榆縣泰始

七年又立東海縣屬東海郡今海州東有東海廢縣卽其青

州治州北二里卽其東海縣及郡治

唐移縣於州城

其襄賁故城在

州城南百二十里

卽金城

是明帝失今郟城縣地襄賁已自此

徙彼也

卽隋之連水縣

紀要沂州襄賁城漢縣後漢晉因之宋仍屬

東海郡似混僑縣實土爲一又云東晉時縣徙於東南境淮

水北岸亦誤宋爲晉

後魏東徐州郟郡治郟縣武定八年改東海爲郟郡高齊省郟

縣及郟郡

後魏臨沂縣屬郟郡其故城入卽邱所移治似當在縣境縣

西北 十里

縣志作西三十里密得軒云在西北不止三十里

有故縣莊自府城視

之在西南且在沂水西其非漢郟縣城甚明疑卽後魏臨沂

縣也備考

齊天統間造像題字有云亡考東海太守郟城戍主寰字記

郟高齊廢蓋郡縣同廢戍主兼東海太守也

魏書盧元傳有郟城戍

宇文周邳州郟郡治郟縣大象元年郡縣並復

隋

泗州下邳郡

郟縣開皇初廢郟郡來屬

唐臨沂縣地

南境當有下邳縣地

武德四年郟縣屬邳州貞觀元年省入

下邳曰郟城鄉

寰字記孔望山在郟城鄉

元和中復又省入臨沂五代宋金

元因之

明山東布政司兗州府沂州府鄒城縣洪武初置

鄒城縣卽今治縣志縣城元末沂州守禦王信築土城蓋城  
元築而縣明置

國朝山東布政司沂州府鄒城縣初因明舊雍正二年屬沂州  
直隸州十三年州升府仍屬

縣志

明萬曆十三年修  
國朝康熙二十五年續

知縣

張三俊  
吳楷

沿革楚滅郟當在

頃襄考烈之世

據史記頃襄時楚人有好以弱弓微繳加  
歸雁之上王召問之對有鄒費郟邳之文

也此第舉四小國爲文  
不足爲鄒尙存之証

按當據紀年

秦以是城轄郟郡

分轄琅邪郡按不書秦郟郡非無本然謂轄二郡是城何

物而轄郡耶 元初罷臨沂至正間復古無此說下又云  
明改縣爲郯城其意或謂改郯爲郯城而承上文言竟似  
元至正間復置臨沂明改今名矣 論曰郯或入楚或隸  
琅邪而又有臨沂之名按竟不知爲漢晉東海郡國治直  
以郯城爲臨沂尤繆

費縣

顏師古曰音秘通鑑胡注費字有兩姓一音裴嬴姓出於伯益之後其一音秘姬姓出於魯季友按春秋之初

己有費伯不必皆出季友也今

山東稱費縣皆讀作蜚音非是

周魯費邑武城邑台邑東陽邑邱輿邑防邑又鄭昉邑後入魯

又潁與國武城後入齊戰國曰南城

東南當有節國地

書費誓史記魯世家作臍徐廣曰一作鮮一作獮裴駟案尙

書作柴孔安國曰魯東郊之地名也書纂言云肸卽費字傳

寫不同

鮮肸形近肸桐音近肸亦作肸說文作柴誓作柴皆誤

書傳旁通云春秋之

初費自爲國隱公元年費伯帥師城郎後爲魯季氏邑然則伯禽時費決非魯地但魯爲方伯費在屬國之中其時徐戎必寇費故伯禽征之耳按費去曲阜百餘里似非東郊地周初或爲魯附庸或竟黨徐戎征而滅之遂爲魯地皆未可知若春秋初則已入於魯費伯帥師城郎杜預以爲魯大夫傳書法皆法經文其爲魯臣甚明蓋費氏伯字非費國伯爵也

竹書紀年夏啟二年費侯伯益出就國卽胡三省所謂音蜚之費非此費也

元和志費縣古費國

吳氏當本諸此古無明據未敢從 戰國時費蓋自爲小國

孟子有費惠公新序魯人攻鄭曾子辭於鄭君曰請出寇罷

復來

卽曾子居武城事其時武城分入費也特越寇魯寇傳聞異耳

儼與魯爲敵國矣卽漢

費縣

春秋襄公十九年城武城杜注泰山南武城縣自古迄明初

無異說明成化後忽以嘉祥之後漢金鄉縣城當之前錄辨

之已悉

明賢人王雅量有曾子居武城考實見通志關里志辨駁尤詳

史記田敬仲世家

威王曰使檀子守南城元和志以爲卽漢南城縣

春秋宣公十三年莒人伐我東鄙圍台杜注費縣南有台亭

東陽邑故城在縣西南六十里今關陽鎮春秋哀公八年左

傳吳師伐魯故道險由武城克東陽而進舍於五梧後漢志

南城下有東陽城

劉昭注夏孔甲遊田於東陽者山按是否卽此東陽無確証

魏志南城

下有東安城卽東陽訛也王雅量以爲關陽鎮北二十里之東陽村並存備考

春秋哀公十四年左傳阮氏葬司馬牛於邱輿杜注泰山南武城西北有輿城

防邑故城在東北四十里今防城村春秋隱公九年公會齊侯於防杜注在琅邪華縣東南後漢志蓋縣劉昭誤引此注

蓋縣漢屬泰山晉屬東莞不屬琅邪華蓋形近而訛耳

此會謀伐

宋杜氏以爲此防或以視他防邑去宋差近歟定五年季平子行東野丙申卒于房似亦此邑補正云房疑卽防是也

春秋隱公八年鄭伯使宛來歸祊杜注在費縣東南

詳下

顯與國故城在西北八十里春秋僖公二十一年左傳顯與風姓也杜注在南武陽縣東北

漢徐州東海郡費縣南成縣兗州泰山郡南武陽縣華縣

費縣故城在西北二十五里

王念孫曰漢書王子侯表費侯方師古曰費音口怪反字或作

費音扶未反又音祕按費字從草貴聲音求味口怪二反不音扶味反亦不音祕且不得與費通費當爲費字之誤也費字從艸賁聲賁音奔又音彼義反故費音墳又音扶味反又音祕聲與費同故字亦相通師古不知費爲費之訛故音口怪反史記費作費索隱曰費音祕又扶味反費與費字異而音同卽東海費縣也又索隱云表在琅邪琅邪東海二郡相連故志在東海而表在琅邪今本末一格脫琅邪二字當補入

南城縣故城在西南八十里

元和志作九十里

南武陽縣故城在西北九十里

顯與城西南十里

華縣故城在東北六十里

後漢兗州泰山郡費縣南城縣南武陽縣初省華縣後復魏因

之

後漢永平二年以泰山之南武陽華益琅邪五年又以華益南武陽等五縣易東海之開陽臨沂是永平五年華猶未省

也泰山郡尉孔宙碑陰有華縣時在延熹七年則已復置也三縣還屬泰山未詳何時據碑則延熹時華已復屬泰山三國魏

志臧霸傳泰山華人則終魏世華屬泰山矣補三國志華屬琅邪郡殊爲失考也

晉徐州琅邪郡費縣華縣兗州泰山郡南武陽縣南武城縣卽南

城改羊祜傳武帝詔分泰山南城等五縣立南城郡祜辭不果行然則晉初猶未改名也

劉宋徐州琅邪郡費縣兗州泰山郡南城縣武陽縣

後魏北徐州琅邪郡費縣東泰山郡南城縣武陽縣

東泰山郡領南城新泰武陽三縣皇興三年置屬兗州永安

中屬北徐州郡治史無明文疑卽治南城也

南北朝輿地表以爲治南城

魏志南城有武城未詳徙治何所

寰宇記南城武城並見據杜預說南城武城自是一

城樂氏或指後魏治

也惜無去縣里數

高齊北徐州琅邪郡費縣

武陽縣

東泰山郡齊周省否古無明據

宇文周沂州琅邪郡費縣

武陽縣

隋志顧史舊曰南武陽史偶用古名

隋

沂州琅邪郡

費縣顧史縣開皇十八年改武陽爲顧史隋亂費縣

廢

唐志武德四年復置費縣則隋亂廢矣疑顧史亦亂廢而唐初復置者

隋費縣卽今治魏志費縣有費城寰宇記費縣宋屬琅邪郡

自漢費縣移理祊城後魏孝文帝太和二十年又自祊城移

費縣於今縣城北四十里陽口山

齊乘象山前有陽口村

隋開皇三年

復自陽口移入祊城今縣理也此一說也又云縣理中城後

魏太和二十年築以置費縣周迴二十里外城卽故祊城後

移理辭固

詳滕縣近志以額與城屬辭固城不足據

周移陽口山南隋又移入祊

城此又一說也一人之書寸楮之內矛盾如此極力考訂迄

無定論隋迄今未再徙今治猶有中外兩城山川古蹟與元

和志寰宇記方向里數悉合似今治卽祊城矣而水經注治

水實經祊城之南

今名汶河

今治却在水南此水兩岸皆山斷無

改流之理而縣東浚水北又有古城土人猶名爲祊則所謂

隋還祊城者亦不足憑矣齊乘云祊城今縣理土人乃以陽

口城爲祊城又呼爲許田城皆誤按土人所謂祊城在東南

並非以陽口城爲祊而浚南又別有許田城亦非呼祊爲許田也其引寰宇記云自漢費縣移理祊城不承上文宋屬琅邪郡來何代移祊城耶紀要又誤看此句竟稱後漢移祊城尤爲乖舛近志從前說者多而不知與後說牴牾間有兼採兩說者亦無的據茲於隋代定爲今治宋魏周之移徙統俟再考

唐河南道

沂州琅邪郡

費縣武德四年復貞觀元年省顯叟縣入之

五代因之

宋京東東路

沂州琅邪郡費縣

金山東東路沂州費縣

元都省山東益都路沂州費縣

明山東布政司兗州府沂州費縣

國朝山東布政司沂州府費縣初因明舊雍正二年屬沂州直隸州十二年州升府仍屬

縣志

康熙二十八年修  
知縣黃學勤

沿革漢爲徐州東海郡東漢爲兗

州泰山郡地北魏爲徐州泰山琅邪二郡地按兩漢專據費縣言後魏又及泰山郡則並武陽南城言豈兩漢無此二縣耶費屬琅邪自晉始越晉宋而及北魏豈晉宋並無費縣耶况後魏武陽南城屬北徐州東泰山郡不屬徐州泰山郡泰山郡屬兗州不屬徐州古蹟有息城梁邱城

續山東考古錄

卷之二十

十一 由子三原

皆無稽又有鄆城非縣境

其名宦首閔子  
眞誣蔑先賢

續山東考古錄卷之二十一

滄州葉圭綬子佩甫述

沂州府下

莒州

周莒國都又郚邑或屬魯又渠邱邑又向國後入莒莒滅於楚  
又入齊

春秋隱公二年莒人入向杜注莒國今城陽莒縣

詩以按徂旅孟子作

以過亂莒韓非因有文王克莒之說路史從之以爲卽此莒國王應麟載其說於因學紀聞蓋廣異聞耳未敢從

春秋文公十二年季孫行父帥師城諸及郚杜注姑幕縣南  
有員亭卽郚也昭元年取郚按郚在姑幕縣南四十里則在

州北境不在沂水境卽劉宋東莞縣

詳下及沂水○古圖字多作員與運鄆雲瑗古

音皆通鄆城以正圓得名漢東莞縣本鄆邑地後於其縣立

郡兩城亦仿其制故南燕於郡故城立團城鎮今沂水城仍

正圓也○昭公處鄆西鄆也後漢志東莞縣下劉昭注引公

處鄆殊謬○魏書鹿念傳青州軍救琅邪次郎城卽鄆城

又成公八年左傳晉申公巫臣與渠邱公立於池上杜注莒

縣有蘧邱里按九年楚伐莒渠邱先潰次莒自南而北

渠邱在莒南明矣安邱渠邱亭乃前漢北海安邱所改非是

向國故城在南七十五里

詳蘭山

戰國策勃貂謂法章曰王走而之城陽之中山按法章後爲

莒大史敫家傭城陽正莒地疑莒別邑名戰國已有之矣

漢兖州城陽國治莒縣初爲城陽郡屬齊

高帝六年以城陽等六郡封齊又呂后紀

齊王乃上文帝二年析齊置城陽國史記漢興以來諸侯年表

城陽之郡郡當十一年爲郡仍屬齊共王喜十六年復爲國喜還又徐州

琅邪郡姑幕縣靈門縣箕縣稗縣析泉縣高鄉縣高廣縣新山

縣高陽縣又東莞縣地鄆亭漢東莞地見漢志孟康注○十三

州志海曲故城在開陽東百三十里按開陽在蘭山縣北其東百餘里已入州境

此東海郡之海曲縣疑治所亦在州南也

莒縣卽今治舊唐志莒縣漢屬東海郡誤

姑幕縣故城在東北一百六十里此本寰宇記據水經注姑

幕城在浯水之北據博物記公冶長墓在城東五里今墓在

諸城西北四十里錫山側故一統志列姑幕於諸城州志謂

卽今石阜集再考應劭以姑幕爲薄姑非是

靈門縣故城在北百

里寰宇記莒縣靈門按郡國縣道

記云在今縣西南六十里當沂水縣東北一百里有巨平山

在山北浯水側近今無址按郡國縣道記唐賈耽作所謂今

縣未詳所指

或曰似指  
韓唐縣

樂氏引之竟似在莒縣西南矣最足

貽誤一統志謂卽今石阜集石阜集在浯水北而水經注不  
云浯水逕靈門縣城南未敢從

箕縣故城在東北百

里元和志莒縣濰山在縣東北八

十三里

寰宇記誤作  
三十八里

水經注濰水導源濰山東北逕箕縣故

城西是箕縣城當在州東北濰水東南寰宇記箕縣故城在

莒縣東北一百餘里是也府志箕城在州西北七十里誤

裨縣故城在南 里寰宇記裨漢志注云夜頭水經裨南

至海又輿地志云向水南至海夜頭向水蓋異名裨蓋在今縣南故向城按此究無的據未敢逕從

析泉縣故城在東北

里水經注濰水自箕縣又東析泉

水注之水出析泉縣北松山東南逕析泉縣東又東南逕仲固山東北流入於濰濰水又東北逕諸縣故城西又東北涓

水注之按仲固山在日照西北百二十里一作龍姑山姑又作骨其東

有膏澤河在諸縣城西似卽析泉水諸城志松山在莒州北

境沈流莊西北其東南七十里爲仲固山其圖仲固山正在

膏澤河西岸析泉故城當在仲固山西北莒州境內寰宇記

稱當在分流山東北山有涓水源卽古析泉水是混兩水爲一考分流山在仲固山東南析泉城能在其東北耶齊乘竟以分流山爲松山矣

高鄉縣故城在東南七十三里此本寰宇記齊乘疑卽州南十字路其地至州百里未敢從

寰宇記高廣縣在莒縣南界 又新山縣在莒縣界

高陽縣故城在東南 里今高羊社

後漢徐州琅邪國莒縣建武十三年并城陽國入琅邪

建武二年封春

陵侯嬀子祉爲城陽三十一年薨

改琅邪郡爲國宋治永平五年徙治開陽

魏志注英雄記呂布屯下邳時有東海蕭建爲琅邪相治莒當在獻帝初也未詳何時還治開陽 又姑幕縣又

東莞縣地建安三年復置城陽郡後移治東武

漢徙魏徙或復置卽治彼或自

此徙彼皆所未詳以舊治莒姑係於此

莒姑幕並割屬魏因之

補三國志城陽郡漢置國中興後省入北海按城陽領四縣

後漢省慮入蓋莒東安陽郡皆屬琅邪晉志城陽郡漢置屬

北海乃兗州傳寫之誤洪氏誤蓋由此

晉青州城陽郡莒縣姑幕縣太康十年二縣屬東莞郡元康十

年移東莞郡來治莒縣南燕慕容德徐州治

鄆城晉割屬姑幕

寰宇記惠帝東莞郡移理莒城又云南燕慕容德以尚書潘

聰爲徐州刺史鎮莒城補十六國志南燕東莞郡莒城縣下

云漢莒縣城字蓋惠帝所增晉書載記燕二年德進據莒城

晉守將仕安委城遁德遣劉綱追斬辟閻渾於莒城綬按遍考晉宋魏地志無莒改莒城之說莒城猶言莒縣城耳洪氏未免過泥

劉宋徐州東莞郡治莒縣又東莞縣

劉宋東莞縣故城在北百二十里今東莞集隋志東莞縣有箕山濰水後齊併姑幕入焉考郟城在姑幕南四十里姑幕城在州北稍東百六十里東莞集方位里數皆符一統志沿革表謂隋縣卽郟城是也杜預京相璠並稱姑幕卽亭而郟道元稱漢縣魏郡皆爲故城是晉東莞縣猶在故治移此或在晉宋間乎

後魏南青州東莞郡治莒縣及東莞縣又義塘郡治義塘縣歸

義縣懷仁縣郡縣俱武定七年置初置在今江南海州界

郡治黃郭

成在海州北八十里後移州界又膠州東武郡姑幕縣

魏志莒縣有莒城按水經注流水過莒縣東其城三重並悉

崇峻唯南開一門內城方十二里郭周四十許里地理志曰

莒子之國秦始皇縣之漢興以爲城陽國是莒縣卽古莒城

元和志莒縣理莒國故城寰宇記同是莒縣並未徙治所有

當卽指外城如縣治外城卽指內城耳而懷仁縣治州南境

亦云有莒城殊所未詳或曰莒亦都渠邱或指渠邱歟備考

寰宇記海州懷仁縣梁於此置黃郭戍後魏置義塘郡理黃

郭戍領義塘懷仁歸義三縣並理今密州莒縣界又云郡縣

俱移就高密郡莒縣界內置在古辟陽城後

詳雜考

州志州東

南有故郡中故郡老故郡北故郡大郡等社皆近義塘郡村

名也魏志歸義有蘆山懷仁有吳山皆在今州南寰宇記歸

義故城在懷仁縣

此懷仁在江南頓榆

北二十五里亦在州境內

高齊南青州

周莒州

義塘郡莒縣天保七年廢東莞郡又懷仁縣

又東莞縣未詳所屬周因之

寰宇記齊文宣帝罷東莞郡以莒東莞二縣屬東安郡隋開

皇三年廢郡考隋志莒縣舊置東莞郡後齊廢復置義塘郡

按義塘郡本後魏移置莒境者並非齊始置齊廢東莞郡或

移義塘郡治莒城或仍魏舊雖未可知而莒縣屬義塘郡則隋志有明證東莞似亦屬義塘郡或屬東武郡樂氏不知齊東莞不在圍城故謂屬東安亦難爲據

寰宇記懷仁縣隋開皇三年移理於此

海州西北九十里

則齊周仍

魏舊矣隋志懷仁下東魏立義塘郡及懷仁縣不及義塘歸義當亦齊廢

隋

沂州

莒縣開皇三年廢義塘郡徙懷仁於今江南海州贛

榆縣莒縣屬莒州

沂州治

大業三年來屬又

高密州

東莞縣

唐河南道

高密郡

莒縣武德五年以縣屬莒州貞觀八年州廢

來屬五代因之

宋京東東路

高密州莒縣

金山東東路莒州治莒縣大定二十二年於縣置城陽州二十

四年改析置日照縣

元都省山東益都路莒州治莒縣

明山東布政司青州府莒州洪武初廢莒縣其地直隸於州

國朝山東布政司沂州府莒州初因明舊雍正八年直隸布政

司十二年降散州來屬

州志

嘉慶元年修  
知州許紹錦

沂水縣

周紀浮來邑

一作包來  
作邳來

又莒密邑蚡泉邑又陽國後入齊根牟

國後入魯又戰國齊蓋邑

浮來邑在西北八十里春秋隱公八年公及莒人盟於浮來  
杜注紀邑東莞縣北有邳鄉邳鄉西有公來山號曰邳來間  
公穀作包來范甯以爲宋邑似誤縣志浮來山隋志名松山  
今名閔公山齊乘以莒州南之浮邱山當之非是 漢功臣  
侯表邳離侯路博德下有朱虛字據漢志東泰山隸朱虛邳  
來在東泰山南卽邳離矣史表作浮離蓋浮有符音矣

密邑在縣西南春秋閔公二年莒人歸共仲及密杜注費縣  
北有密如亭水經注沂水南合時密水水出時密山莒地莒  
人歸共仲及密而死是也按時密山在縣西南四十里其地

非費縣北或注有誤歟俟再考

蚡泉邑在縣西南春秋昭公五年叔弓敗莒師於蚡泉縣西

南百二十里有盆泉縣志謂卽蚡泉從之

公羊作漬泉穀梁作賁泉傳云狄人

謂賁泉失台蓋謂東夷語也諸城廬水又名久台水疑與此同失久字形相近傳寫或誤

孟子王使蓋大夫王驩爲輔行又兄戴蓋祿萬鍾四書釋地

以爲半爲王朝下邑半爲卿族私邑理或然也

水經注時水支津經高苑

縣有蓋野溝水注之在今新城境南去於陵甚近烏知非彼處別有蓋邑乎備考

卽漢縣

春秋閔公二年齊人遷陽漢志陽都下應劭注齊人遷陽故

陽國是

俞舉春秋釋義齊遷陽在今保定路唐縣按昭十年齊高偃帥師納北燕伯於梁陽左傳作唐杜注陽卽

唐別邑俞氏以地同名而臆度之耳漢東海郡有都陽縣應劭注與陽都縣下同或自此遷彼歟

根牟國故城當在東南春秋宣公九年取根牟杜注陽都縣

東有牟鄉寰宇記以安邱牟鄉城當之非是後漢志陽都有

牟臺卽根牟劉昭注引會平州事誤公羊以爲邾婁邑似誤

漢徐州琅邪郡東莞縣又朱虛縣地

邾來前漢隸朱虛晉隸東莞見前後漢魏未詳

州泰山郡蓋縣城陽國東安縣陽都縣

西北當有慮縣地

東莞縣故城在東北四十里今城子嶺

詳下

蓋縣故城在西北百二十里今蓋邑莊

寰宇記作八十里誤

東安縣故城在南三十五里今東安社

陽都縣故城在西南百二十里今魏王城

後漢書注在承縣南彼或都陽縣

後漢徐州琅邪國東莞縣東安縣陽都縣兗州泰山郡蓋縣

承平

二年以泰山之蓋蓋琅邪後漢末於東莞縣地置東莞郡於蓋

又屬東海未詳何時還屬

縣地置東安郡三國魏志魏初傳太祖破呂布以尹禮爲東莞太守時在建安三年水經注稱魏黃初中立誤

又四年使霸入青州破齊北

魏因之晉書下邳王晃傳魏世爲東莞太守武帝受禪封下

海東安二郡或建安初立也

邳王又三國魏志國淵傳樂安蓋人宋志蓋縣下云晉太康地

志屬樂安考蓋縣與樂安郡地不接壤而東安郡城在其縣境

是魏至晉太康前蓋縣屬東安郡二書樂字皆東字形訛耳陳

思王植傳注摯虞文章志劉表子季緒爲東安太守是二郡皆

終魏世所有補三國志漢末置東安郡旋省似未核

東莞郡城卽今縣治舊以今治爲東莞縣城以東北城子嶺

爲古鄆邑城非也水經注沂水逕東莞縣故城西與小一本脫此

字

沂水合孟康曰故鄆一本說

邑今鄆亭是也魏文帝黃初

中立爲東莞郡東燕錄謂之圍城魏南青州治左氏傳曰莒

魯爭鄆爲日多矣今城北鄆亭是也京相璠曰琅邪姑幕

南

杜預稱城陽姑幕京氏或據漢制言

四十里員亭故魯鄆邑今在團城東北

四十里猶謂之東莞故城按在團城東北四十里者旣以爲鄆邑鄆邑在漢晉之世未爲縣治何以稱爲東莞故城耶城子嶺在姑幕城西南七八十里與京杜說皆不符莒州之東莞集確是鄆城則城子嶺當爲東莞縣治而今治爲東莞郡城古郡國與所治縣多不同城人不察耳道元誤以團城爲縣城因誤以縣城爲鄆城而兩城皆名東莞則一縣治一郡治固甚明也近志謂縣城在今治西北愈謬

東安郡故城在西北九十許里今東安莊後魏志蓋縣有東

安城考漢東安縣在縣西南與蓋縣中隔宋魏發干縣地斷非所有縣志云西北九十里東里店東北五里沂北岸有東安莊莊西北有石橋二相傳爲東安城弔橋去蓋邑莊二十餘里蓋縣所有必此城據水經注漢縣城在圍城西南非此城則此城爲東安郡城無疑矣

晉徐州東莞郡治東莞縣郡治郡城武帝併郡入琅邪國

晉書琅邪

王佃傳初封東莞郡王後改封琅邪以東莞益之

太康

年復

晉志徐州下稱太康元年置東莞郡下稱太康

中道考佃於太康四年薨似復郡當在此時缺疑俟考朱謀璋以晉志與水經注魏置互異爲未詳蓋不知郡曾併入琅邪也

又蓋縣

太康前屬東安

琅邪國陽都縣東安縣元康元年移東莞郡治

莒縣復於郡城置東安郡南燕慕容德於郡城置圍城鎮

隋志沂水舊置東安郡蓋東莞郡移治復於此置東安郡也  
劉宋徐州東安郡治蓋縣郡治縣之圍城及發干縣

後魏南青州治東安郡治蓋縣州郡治縣之圍城顯祖於郡置  
東徐州太和二十二年改又發干縣高齊省蓋入新泰

宋魏東莞縣已移治莒州之東莞集東安縣又省郡無倚郭  
縣當爲蓋縣地元和志沂水縣後魏孝文帝於此置新泰縣  
考隋志沂水下但云舊置南青州及東安郡開皇初郡廢改  
縣曰東安是隋改郡爲縣以郡名爲縣名並無舊曰新泰之  
文也後魏置之新泰一統志謂卽蒙陰甚是

詳蒙陰

齊省蓋縣

遂爲新泰地李氏因此致誤 齊乘沂水漢東莞縣南燕於

此置縣魏孝文改爲新泰甚謬

發干縣故城在西北二十里今古城莊魏志發干有岫山

或說

作危今作雹山在縣西北二十八里一統志發干故城在縣

西北卽古城莊矣蓋以晉戍爲名非一城也或謂縣治亦在

琅邪郡城者其地去岫山二百四五十里且中隔卽邱縣地

琅邪郡城卽開陽城在臨沂城南臨沂城宋魏爲卽邱縣地也縣志謂發干治陽都故城皆

未確今從一統志

隋志東安下云後齊廢開皇十六年復考宋魏皆無東安縣

而隋之東安卽故蓋縣是齊廢蓋縣非廢東安也

宇文周莒州治東安郡治團城爲新泰縣地

隋沂州沂水縣東安縣開皇初廢東安郡置東安縣爲莒州

治十六年改今名別置東安縣寰宇記隋于蓋縣故城置東安縣縣志以爲置於東安莊考蓋

城去縣百二十餘里記作八十里似誤以東安城爲蓋城大業二年莒州廢二縣來屬

唐河南道沂州沂水縣武德五年於縣置莒州貞觀八年州

廢來屬五代因之

宋京東東路沂州沂水縣

金山東東路莒州沂水縣北境當有穆陵縣地

元都省山東益都路莒州沂水縣

明山東布政司青州府莒州沂水縣

國朝山東布政司沂州府沂水縣初因明舊雍正八年屬莒州

直隸州十三年屬

縣志

道光七年修  
知縣張燮

古蹟慮城在西南百二十里誤

詳蒙陰

蒙陰縣

周魯蒙邑齊堂阜邑艾邑

南境當有  
顛與國地

春秋哀公十七年續經公會齊侯盟於蒙杜注蒙陰縣西故

蒙城是也按卽漢蒙陰縣

堂阜邑在縣西北春秋莊公九年左傳及堂阜而稅之杜注

東莞蒙陰縣西北有夷吾亭水經注桑泉水出五女山

縣西南

東南流

實東北流

巨圍水注之

水出巨圍之山  
在西北四十里

又東南堂阜水入

焉其水導源堂阜東南注桑泉水桑泉水又東南逕蒙陰縣

故城北叟崗水注之按叟崗水入桑泉水在今治之南堂阜水入桑泉水在此水之西而巨圍水之東今治西有東西二

諸福河西河發源西北十八里之伏牛峪東河發源北八里

方山二水入桑泉水在巨圍水

近志誤以此水爲堂阜水

東叟崗水入桑

泉之西舍此別無可當堂阜水者堂阜當卽在其發源近地

通典堂阜在新泰縣東正其處矣惟齊乘稱堂阜水卽蒙陰

東北憚阜大小二河未詳所指何水又謂堂阜在沂水縣西

三十里磨石峴下今縣東 十里有坦阜集皆與二杜及鄺

氏說不合縣志稱在西北三十里近之矣

艾邑在縣北春秋隱公六年公會齊侯盟於艾杜注太山牟

縣東南有艾山按卽縣北沂水發源之艾山寰宇記艾山在新泰縣東北三十里蓋古人山名所賅者廣牟城在今萊蕪東二十里其東皆古艾山也後漢志劉昭注引杜注於臨沂下而削去太山牟三字近志多沿其誤

桓十五年會艾公作郟穀作葛

漢兖州泰山郡蒙陰縣及牟縣地又城陽國慮縣

東南當有華縣地

蒙陰縣故城在西南十五里今西城子據水經注桑泉水逕蒙陰城又東始納叟崗水則蒙陰城在叟崗水西矣西城子正其地土人以爲周蒙城蓋漢縣卽古邑也通典新泰下蒙陰

一本訛陽縣故城在東南卽此城

慮縣故城在東北 十里今故縣莊水經注盧川水出鹿嶺

山東南流逕城陽之盧縣故蓋縣之盧上里也王莽更名之

曰著善矣按盧川水今又名固下水發源縣東北井王莊西

馬頭固之老隄峪縣東北六十里中山社西有故縣莊

中有漢碑

國初猶存今無惜縣志未載其碑文傍有著善河卽慮縣故城矣水經注作

盧古通用

可證沂水縣志之誤蓋沂水西南亦有盧山志誤因此

後漢蓋縣地牟縣地

後漢慮省入蓋蒙陰亦省東平陽又省西境當爲牟縣地華縣又省南境當爲南武

陽地魏蒙陰未詳復置否

魏復置東平陽西境當有其地

晉徐州琅邪國蒙陰縣初屬東莞郡後屬又東莞郡蓋縣地堯

州泰山郡東牟縣地

當有新泰縣地

劉宋蓋縣地牟縣地

蒙陰當是晉亂廢

晉蒙陰縣故城在東南十里今公家城據杜預說晉縣在古

蒙城東也。縣志相傳此城爲晉蒙陰。是已。杜預稱東莞蒙陰。晉志屬琅邪。晉志蒙陰蒙山在西南。考元和志蒙山在費縣西北八十里。東蒙山在費縣西北七十五里。蓋古統名東蒙。後人分爲兩山。晉城在東蒙北而蒙之東北。故云山在西南。

後魏南青州東安郡新泰縣。文帝別置新泰縣於此。又蓋縣地。

兖州泰山郡廩縣地。

魏志廩有唐阜卽堂阜。

高齊省新泰入東泰山郡之。

新泰。

齊東泰山郡廢否無明文。姑以魏制言之。

周隋。

隋志廩有艾山。仍有廩縣地。

唐。

元和志新泰有障山在縣。

東八十里。卽今縣東北六十里。長。

五代宋。

九域志新泰有沂水。今縣北境沂水發源。

平山也。西北境當有萊蕪縣地。處也。又縣東南二十許里有元豐七年碑。言

金因之。

係新泰地。蓋唐宋今縣境大抵皆新泰地。

後魏東安郡新泰縣卽今縣治魏志東安新泰有蒙山元和志謂卽今沂水縣考今沂水縣後魏爲益及發干兩縣地新泰或及其西境隋志新泰下後齊廢蒙陰人焉考後魏無蒙陰而新泰有蒙山是齊省新泰入新泰而所省卽蒙陰故境史誤作蒙陰耳元復置蒙陰至今未徙治元史稱初因舊名新泰齊省後迄金未復所因卽後魏之舊治舊名而後魏所置新泰卽今治毫無疑義矣齊乘蒙陰齊省不知卽新泰也又云唐初置屬泰山郡後亦廢入新泰微論唐無復置事且唐那有泰山郡耶

元都省山東益都路莒州蒙陰縣初置行新泰縣於此後廢入

沂水爲新泰鎮後復置改名

元志蒙陰初因舊名新泰中統三年以李璫亂人民逃散省

入沂水皇慶三年復置爲蒙陰縣齊乘云國朝至元二年廢

行新泰縣

當是元初置

延祐三年析沂水之新泰

今本訛作寨

鎮置此

縣按紀年與史互異未詳孰是

明山東布政司青州府蒙陰縣初隨莒州屬府洪武二年逕屬

國朝山東布政司沂州府蒙陰縣初因明舊雍正八年屬莒州

直隸州十三年屬

縣志

康熙二十二年修知縣劉德芳

沿革西南八九里龜山下有古顛

與城按此本齊乘然在漏澤湖東北十餘里去蒙陰詎止

八九里當有訛字 東漢廢蒙陰置東莞縣北魏併蒙陰  
入新泰齊復置蒙陰皆繆甚

日照縣

周莒紀障邑

或曰本紀國地

紀障在南九十里今安東故衛城春秋昭公十九年齊伐莒  
莒子奔紀障杜注莒邑東海頓榆縣東北有紀城寰宇記海  
州懷仁縣東北七十五里平地近海周一里餘今安東城正  
其地困學紀聞呂氏春秋舜葬於紀蒼梧山在海州界  
近莒之紀城卽此城蒼梧山卽鬱洲今屬海州  
博物記太公望出於東呂鄉又釣於棘津其浦猶存後漢志  
引此於西海縣下但未詳其時屬何國

漢徐州琅邪郡海曲縣昆山縣及贛榆縣地

琅邪海曲縣故城在西十里或據水經注以諸城之婁城爲  
琅邪海曲考後漢書劉盆子傳天鳳元年琅邪海曲有呂母  
者子爲縣吏宰殺之呂母聚少年數千殺宰元和志莒縣下  
今東海縣有呂母固卽舊集之所按東海縣在今海州東古  
鬱洲上與縣隔少海相望又漢志琅邪海曲有鹽官元和志  
漢海曲縣在莒縣東一百六十里是琅邪海曲卽此城無疑

紀要日照漢海曲縣置鹽官名曰日照按漢時無日照名

昆山縣故城在西北百 里諸城縣志稱在昆山西七里

後漢徐州琅邪國西海縣卽海曲改東海郡贛榆縣地魏西海省否

未詳晉劉宋莒縣地東海郡嶺榆縣地後魏東海郡高齊東海改北

郡因之宇文周莒縣地海州東海郡東海縣地隋唐五代莒縣

地東海州懷仁縣地宋海州屬淮東路因之元祐二年於莒縣置日照

鎮漢頓榆城在唐懷仁縣東北三十一里一名鹽倉城唐懷仁縣城在今頓榆縣西里隋自莒縣移此今頓榆縣紀要

以為唐初置南唐移懷仁縣於此東北至日照縣一百六十里

金山東東路莒州日照縣析莒縣於日照鎮置懷仁改頓榆疑分兩縣置新縣

也

日照縣即今治

元都省山東益都路莒州日照縣

明山東布政司青州府莒州日照縣附宏治三年置安東衛領

五千戶所後領  
中前後三所

嘉靖中置石曰寨千戶所

縣志明初川二千戶鎮守洪武二年革去鎮守官仍置縣令  
若然是初裁縣令矣明史不載備考

安東衛故城

見前

石曰所故城在東南二十里

國朝山東布政司沂州府日照縣初因明舊雍正八年屬莒州  
直隸州十三年屬

縣志

康熙五十四年修  
知縣楊士雄

古蹟沙浦古郡名在城東南二十

里見郡志按青州舊志博興古蹟有沙浦郡實海浦之訛  
牽入日照尤不可解 石河縣相傳在海中按古亦無此  
縣考唐初析東海置石城縣後省寰宇記西捍海塘北抵

石城山長六十里蓋石城山在東海縣北六七十里石城縣當在其地隔海北與日照遙對或由此傳訛耳

沂州府補遺

蘭山縣

晉書顏含傳補閭陽令卽開陽晉志開陽下注侯相合作令當  
豕嘉時侯國蓋亂廢矣

唐書王仲邱傳沂州琅邪人按唐沂州無琅邪縣仲邱自是琅  
邪王氏當作沂州臨沂人

郟城縣

春秋桓十二年冬公會宋公於虛公羊作會於郟

元史世祖紀至元元年城郟以沂州監戰塔思萬戶孟義所部  
兵戍之縣志以爲元末築土城蓋重修也郟終元世未立縣元

初與宋爲鄰故城之而成以兵宋滅當卽空廢元末江南兵起故復修而守之

費縣

呂氏春秋夏孔甲田於東陽荇山帝王世紀謂卽東首陽山可證劉昭之誤路史太王復娶於駘卽縣南台亭不可從又以顓臾爲漢縣尤謬

晉書孝友傳顏含琅邪莘人莘華字之訛

莒州

後漢書方術傳趙彥爲宗資陳孤虛之法以爲賊屯在莒莒有五陽之地章懷注謂城陽南武陽開陽陽都安陽並近莒按南

武陽既非莒地又非前漢城陽國屬安得謂莒所有乎近莒一帶並無安陽地名開陽差近莒乃古邳國前漢亦不屬城陽余謂五陽惟城陽高陽確在莒境陽都雖古陽國前漢實屬城陽可當其一卽謂開陽近莒亦當其一仍不足五數也

晉書載記慕容德進據琅邪寇莒城齊郡太守辟問渾自廣固奔魏德遣劉綱追斬於莒城按魏時都代自廣固奔魏無南至莒城之理况德方駐莒城渾尤無反來就死之理劉綱曰遣曰追非此莒城明矣零縣亦有莒城廣固之代所必經當在彼也路史莒國隋之莒州今密州莒縣理厥後移理鹽官城故世謂南莒按既謂今莒縣理是宋時莒縣並未移理矣金人分莒置

日照日照乃漢海曲縣古有鹽官鹽官城當在彼羅氏在江南誤以分置縣爲移治耳魏志懷仁縣有莒城余初疑之觀此或鹽官城早有南莒之稱懷仁所有指彼也備考

蒙陰縣

路史蒙國東莞蒙陰有小蒙城按蒙陰無小蒙城蒙陰古顛史國非蒙國

日照縣

太公出於東呂鄉路史謂卽莒國考莒初都計斤商時此地未必已爲莒國地